# Script Of Morning Gojri News Bulletin 25 April 2024 at 1015Hrs 2024 ما رنینگ گو جری نیو ز بلیٹن مو رخہ25 اپریل 2024

یوہ آکا شوانی جموں ہے عبدالرحمن شاہین تیں خبر سُنو۔

## Jammu Voting

لوک سبھا انتخابات غا دوجا مرحلہ غے تحت یلک نمبر5 جموں یا رلیمانی حلقہ مانہہ ووٹینگ غے دوران 17 لکھ 80 ہزار تیں متا رائے دہندگان چناؤ میدان مانہہ اُتریا 22 اُمید واراں غی قسمت غو فیصلو کرینگا۔ اس مرحلہ واسطے چناؤ مہم کل شام اختتام پزیر ہو گئی ہے۔ جموں یا رلیمانی حلقو 18 اسمبلی حلقاں ور مشتمل ہے۔ تے یوہ4 ضلعاں ورپھیلو وی ہے۔ جن مانہہ ریا سی سانبہ جموں تے راجو ری شامل ہیں۔ جت کُل 17 لکھ 80 ہزار 8 سو 35رجیسٹر ووٹر ہیں، جن مانہہ 9 لکھ 21 ہزار 95 مرد،8 لکھ 59 ہزار 7 سو 12 خواتین ہے تے28 مخنش ووٹر ہیں۔ سرکا ری اعدادو شمار غے مطابق جموں پا رلیمانی حلقہ غے تحت جموں ضلع غا 11 اسمبلی حلقاں مانہہ سب تیں متا 11 لکھ 89 ہزار 3 سو 89 ووٹر ہیں۔ ریا سی ضلع غا 3 اسمبلی حلقاں مانہہ 2لکھ 35 ہزار 2 سو 62 ووٹر، سانبہ ضلع مانہہ 3 اسمبلی حلقاں تے ضلع راجو ری غا صرف کالاکوٹ سُندر بنی حلقہ مانہہ 96 ہزار 9 سو86 ووٹر ہیں۔ اسے طرح جموں جنوب آر ایس یو رہ اسمبلی حلقہ مانہہ سب تیں زیا دہ 1 لکھ 24 ہزار 7سو 44 ووٹر ہیں جد کہ ضلع ریا سی غا شری ماتا ویشنو دیوی اسمبلی حلقہ مانہہ سب تیں کہٹ 55 ہزار 7 سو 37 ووٹر ہیں۔ اس پورا یا رلیمانی حلقہ مانہہ بھارتیہ چناؤ کمیشن غی طرفوں 2 ہزار 4 سو 16 پولینگ سٹیشن قائم کیا گیا وا ہیں۔

<><><><>

# **Vulnerable Polling Station**

جموں پا رلیمانی حلقہ مانہہ جت پلک ووٹ کہلیا جا رہیا ہیں ات بھارتیہ چناؤ کمیشن غی طرفوں 3 سو 40 حساس پولینگ سٹیشناں غی نشاندہی کی گئی ہے۔ اس حلقہ مانہہ کُل 2ہزار 4 سو 16 پولینگ سٹیشن قائم کیا گیا ہیں ۔ جموں ضلع مانہہ1 ہزار 4 سو 88 پولینگ سٹیشناں وچوں 38 پولینگ سٹیشناں غی نشاندہی حساس غے طو ر کی گئی ہے۔ جد کہ 15 انتہائی حساس پولینگ سٹیشن وی ہیں۔ اسے طرح بھا رتیہ چناؤ کمیشن غی طرفوں ضلع ریا سی مانہہ 4سو 25 پولینگ سٹیشن قائم کیا گیا ہیں جن وچوں 97 حساس تے 16 متا حساس دسیا گیا ہیں۔ جموں پا رلیمانی حلقہ غے تحت ضلع راجو ری غا سُندربنی تے کالاکوٹ اسمبلی حلقاں مانہہ چناؤ کمیشن غی طرفوں 138 پولینگ سٹیشن قائم کیا گیا وا ہیں۔ جت حلقاں مانہہ ڈیا و کمیشن غی طرفوں 138 پولینگ سٹیشن قائم کیا گیا وا ہیں۔ جت ضلع سانہ مانہہ 3 سو 65 پولینگ سٹیشناں وچوں 72 پولینگ سٹیشن حساس فرار دتا گیا واہ ہیں۔ ان غے علا وہ 46 گلابی پولینگ سٹیشن ہیں تے معزور افراد خواتین واسطے مختص رکھیو گیو ہے۔18 سبز پولینگ سٹیشن ہیں تے معزور افراد خواتین واسطے مختص رکھیو گیو ہے۔18 سبز پولینگ سٹیشن قائم کیا گیا واہ ہیں۔

#### <><><><>

# **Election Security**

لوک سبھا انتخابات غا دوجا مرحلہ غے تحت منعقد ہون آلی پلک ووٹینگ غا تناظر مانہہ جموں پا رلیمانی حلقہ غے تحت آن آلا ضلعاں جموں سانبہ ریا سی تے راجو ری مانہہ حفاظتی بندو بست کڑہ کر دتا گیا ہیں۔ ات غا شہریاں مانہہ تحفظ با رے اعتما د پیدا کرن تے قصباں مانہہ امن و قانون غی صورتحال برقرار رکھیا جان با رے پولیس تے نیم فوجی دستاں غی طرفوں بہت ساری جگہاں ور فلیگ ما رچ کڈیو گیو ہے۔ پولینگ غے تحت آر ہیا ضلعاں مانہہ دیہی مقامات سمیت علا قاں مانہہ سی آر پی ایف سمیت نیم فوجی دستاں غی طرفوں جموں سانبہ تے سُندر بنی راجو ری وی ہے۔ اسے طرح حفاظتی دستاں غی طرفوں جموں سانبہ تے سُندر بنی راجو ری غا سرحدی علا قاں مانہہ نگرانی بدھا دتی گئی ہے۔ کیونجے ان علاقاں مانہہ پلک

ووٹ کہلیا جا ئیں گا۔ عہدیداراں غی طرفوں پورا جموں پا رلیمانی حلقہ مانہہ 340 پولینگ سٹیشن حساس قرار دتا گیا واہ ہیں۔

#### <><><><>

## **Prohibitory Order**

ضلع میجسٹریٹ جموں سچن کمار ویشے غی طرفوں پلک یعنی 26 اپریل 2024 نانہہ جموں پا رلیمانی حلقہ واسطے پولینگ غا تناظر مانہہ جرائمی عملی کو ڈ یعنی سی آر پی سی غی سیکشن144 غے تحت جموں ضلع مانہہ امتنا عی احکامات جا ری کیا گیا ہیں۔ جا ری حکم نامہ غے مطابق 48 گھنٹاں غا خاموش وقفہ غے دوران بھا رتیہ چناؤ کمیشن غی ہدائیت غے مطابق بہت سارا امتنا عی احکامات لاگو رہیں گا۔ تے خاص کر عوامی میٹنگ منعقد کرن،5 تے اُس تیں زیا دہ افراد غا جمع ہون تے لوڈ سیپکراں غا استعمال ور مکمل پابندی رہ گی۔

#### <><><><>

## LS 4th Phase

لوک سبھا انتخابات غا چوتھا مرحلہ غے تحت مرکزی زیر انتظام علا قہ جموں کشمیر غا سرینگر پا رلیمانی حلقہ سمیت دوجی جگہاں ور وی اج کا غذات نامزدگی جمع کروان غی آخری تا ریخ ختم ہو رہی ہے۔ ان نامزدگیاں غی جانچ پڑتال پلک وے گی تے پھر واضع اُمید واراں نانہہ اس مہینہ غی 29 تا ریخ تک کا غذات نامزدگی واپس لین غی اجازت وے گی۔ پا رلیمانی چناؤ غا چوتھا مرحلہ غے تحت 9 ریا ستاں ور 13 مئی تے مرکزی زیر انتظام علاقاں مانہہ پھیلی وی 96 لوک سبھا نشستاں ور 13 مئی گا۔

#### <><><><>

## LG Gazipur

جموں کشمیر غا لیفٹنٹ گو رنر منوج سنہا نے کل گا زی پو ر اُتر پر دیش مانہہ وسیع تر ترقی مانہہ شہریاں گا رول غا عنوان غے تحت منعقدہ اک کا نفرنس سنگ خطاب کیو ہے۔ اس موقعہ ور اپنا خطاب مانہہ لیفٹنٹ گو رنر نے مُلکی ترقی مانہہ جن بھاگیداری غی نمایاں خدمات نانہہ اُجاگر کیو تے کہیو جے وسیع تے مربوط ترقی

غی خاطر شہریاں غی شمولیت بڑی اہم ہے تا نجے سماج واسطے اک نووں مستقبل قائم کیو جا سکے۔

#### <><><><><>

## **Poonch Observer**

اننت ناگ راجو ری پا رلیمانی حلقہ واسطے جنرل مبصر سنجیو کما ر بسرا تے پولیس نگران اکھلیشور سنگھ نے کل سرحدی ضلع پونچھ مانہہ آتا لوک سبھا چناؤ با رے تیاریاں غو جائزو لیو ہے۔ پونچھ تیں آکا شوانی غا نامہ نگا ر نے دسیو ہے جے اک میٹنگ غے دوران مثالی ضابطہ اخلاق غی عمل آوری شکایات نگرانی تے مواصلاتی منصوبہ وغیرہ غے متعلق تفصیلاً تبادلہ خیال کیو گیو۔ مبصراں غی طرفوں چناؤ سیل، سٹرانگ روم، کنٹرول روم تے پولینگ مرکزاں غو معائینو وی کیو گیو۔ تے اُنہاں نے متعلقہ عہدیداراں نانہہ آزادانہ، منصفانہ تے شفاف چناؤ نانہہ گیو۔ تے اُنہاں با رے ہدائیت جا ری کیں۔

<><><><>

اس غے نال ہی خبراں غو یوہ بلیٹن ختم ہوؤ۔